

ESANAK

MIREN ODRIOTZOLA

(Udalbiltzako burukidea)

«Ezinbestekoa da herrien eskubideak aintzat hartzea, Europa balio demokratikoetan eraikitzeko»

LLOYD QUINAN

(Eskoziako SPNko legebiltzarkidea)

«Europa paraleloa sortu behar dugu. Udalbiltza europarra eraiki behar dugu»

KOLDO GOROSTIAGA

(Batasunako europarlamentaria)

«Estaturik gabeko nazioen artean oinarri bateratu sendoa lortu behar da»

esan zuen Lloyd Quinan. «Argiago esatearren: Udalbiltza europar bat eraiki behar dugu, Udalbiltza euskal-eskoziarra sortu behar dugu. Denok bidaia berean gaude, bide bera egin behar dugu, independentziara daramana», gaineratu zuen. Lloydek Eskoziako egoera ere aipatu zuen. 1999an itzulitako parlamentuari «ilusio bat» dela iritziz, ekonomia, kanpo politika, energia politika, azpiegiturak edo defentsa kontrolatzen ez duelako. «Ezkerreko nazionalismoarentzat gakoa hauxe da: nola erabiltzen dugu plataforma hori autodeterminazioan eta burujabetzan aurrera egiteko?», erantsi zuen.

Europako prozesua aztergai

Koldo Gorostiaga Batasuneko europarlamentarioak Europako prozesu konstituziogilearen diagnosa egin zuen. Europako Batasuneko buruzagitza politikoaren jarrera nagusia herrien eskubideen kontrakoa dela uste du Gorostiagak. Valéry Giscard D'Estaing Europako etorkizunari buruzko Konbentzioko lehendakariak urrian aurkeztu zuen zirriborroan orain arteko itunetan ohikoa zen Europako herrien aipamena desagertu dela ohartarazi zuen Gorostiagak. Halaber, Gorostiagak kontatu zuenez, Mariano Prodi Europako Batzordeko lehendakariak aste honetan aurkeztu duen proposamenaren jaso bazuen ere, Menendez Vigo PPko europarlamentarioak herrien aipamena «zaharkitua» zegoela aurpegiratu zion, esanez Europan estatuak eta herriak baina ez zeudela. Jarrera hauek ikusita, Gorostiagaren ustez, «estatu-nazioa desagertu arteko trantsizioa luzea izan daiteke». Bitartean, Europako estaturik gabeko



IMANOL OTEGI / ARGAZKI PRESS

Ezkerrean, Jaume Soler Kataluniako Arbuciesko alkatea, tribunan. Eskuinean, Adesalam Aomar Lashen Saharako ordezkaria.

ALKATE ETA ZINEGOTZIEK BATZARRA

Herri katalanen esperientzia

Herrialde Katalanetako Alkate eta Zinegotzien Batzarreko ordezkari bat izan zen, atzo, Nazioarteko Konferentzian. Jaume Soler D' Arbuciesko alkatea eta aipaturiko batzarreko kideak elkartearen ibilbidea eta esperientziaren berri eman zuen. Herrialde Katalanetako Alkate eta Zinegotzien Batzarrak Ipar Katalunia, Balear

Uharteak, Andorra, Valentzia, Kataluniko printzerria, Franja de Ponent eta L' Alguer eskualde eta herriak biltzen ditu.

Bere sorrera 2000an kokatu zuen Solerrek, Valentzian izandako ekitaldi «historiko» batean. Joan Fuster Pentsamendua-ren Hiritar Institutuak sustatu zuen batzarrak. Institutua, katalana hizkuntzatzat zuten lurraldeen arteko lotura sustatzeko sortu zen. Valentziako ekitaldi hartan, 659 zinegotzi eta alkatek hartu zuten parte, eta

adierazpen bat onartu zuten, Valentziako Adierazpena deiturikoa.

Tradizio politikoa berreskuratzea, ingurumenaren eta kulturaren alorretan izandako esperientziak trukatzeko, uniformizazio ekonomikoa eta kulturalari erantzuteko ahalmena handitzea, lurraldeari zuzenean eragiten dioten politikak koordinatzea, udalerrietako elkarte eta federazioen arteko lankidetzaren sustatzea, eta udal foro egonkorra sortzea izan ziren adierazpenaren baitan hartutako erabakiak.

nazioek komunitate bereziaren izaera aldarrikatu beharra dutela uste du Gorostiagak. Halaber, trantsizio horretan, eskualdearen izendapena baliagarria izan daiteke. Datozen urteetan, Gorostiagaren iritziz, «nazio-estatuekin gutxiengo adostasuna bilatu beharko da, eta, horretarako, estaturik gabeko nazioen artean oinarri bateratu sendoa lortu behar da».

Hamaika lurralde

Udalbiltzak antolatuko Herrien Eskubideen Aldeko Konferentziak hamaika lurraldetako lekukotasunen berri izateko eta hamaika ahots entzuteko aukera eman du. Hego Afrikaz, Nkosinathi Bikok hitz egin zuen. Saharaz, Abdesalam Aomar Lahsenek. Kurdistanez, Ali Yigit Erbesteko Parlamentuko ordezkariak. Saami herriaz, Johan Mikkel Sara bertako Legebiltzarreko Kontseiluko batzordeko kideak. Lau estatutan kokatutako herri honek batzeko eta antolatzeko urratsen berri eman zuen. Mitja Zagar irakasleak Esloveniako independentzia eskuratzeko prozesua azaldu zuen. Ina Druviete hizkuntzalari eta Estatuko Hizkuntza Zentroaren Kontseiluko buruak Letoniaren independentzia prozesuaren berri eman zuen ber herria ezaugarazteko bideo bat eta guzti. Horrez gain, letoniera garatzeko gaur egun dituzten arazoei buruz mintzatu zen. Konferentzia gaur amaituko da, Euskal Herriaren Eskubideen Kartaren aurkezpenarekin eta autodeterminazio eskubideari buruzko adierazpenarekin.

DUINTASUNEZKO ARRAZOIAK

Asko eta asko gara –azaroaren 30ean Donostiako kaleetan ikusi zen moduan– egun **Euskal Herriak pairatzen duen egoera larriaz kezkatutik gauden herritarrak**. Bai, asko eta asko gure herriari inposatzen zaizkion erasoak onartezinak direla uste dugun herritarrak.

Euskal gaztediaren aurkako etengabeko **sarekadak**; **euskararen kontrako** dekretu eta jarrerak; Batasunaren nahiz gustuko ez dituzten bestelako erakunde **ilegalizazioak**; euskal langileon **lan harremanak antolatze**ko zein arautze **oztopoak**; **oinarriko eskubideen debekua** etengabea; **torturaren** areagotzea; “Kaltate Legea” zein Unibertsitate Legearen **inposaketak**; **Autodeterminazio Eskubide unibertsalaren ukapena**... eta antzeko erasoak errepikatzen dira egunero, **euskal herritarrontzako demokrazia formala amaitu dela** gogoaraziz.

Finean, Euskal Herriaren existentzia bera dago Estatu espainiar eta frantziarraren begipuntuan, eta horregatik **kolpatzen dute euskal nortasunaren adierazpen zein defentsa oro**. Duintasunak Euskal Herria izena duela esan berri du Markosek, zapatisten subkomandantea. Eta hori da, hain zuzen, jokoan dagoena: Euskal Herria, herri gisa dagokigun duintasuna.

Horregatik, **bizi dugun egoera larriak erantzun indartsu bezain garrantzitsua merezi duelakoan gaude**. Kaleetan, enpresetan, ikastetxeetan eta esparru ezberdinetan bideratu behar den erantzun herritarra. Erasoen aurka protesta nahiz planto egiteko eguna baina, bereziki, Euskal Herriaren aldeko eguna, dagokigun eskubideen aldeko eguna.

Lerro hauen bitartez, beraz, **abenduaren 19an** egingen den **duintasun egunean** parte hartzeko gonbitea luzatzen dizugu, egun horretan **11:00etatik 13:00etara eta 18:00etatik 20:00etara lanuzteak** burutuz eta egunean zehar egitekoak diren **mobilizazioetan** esku hartuz.

Orain, inoiz baino gehiago, **kalera atera eta gure eskubideak defendatu beharra baitugu, duintasunarekin, gureak direlako**. Orain, inoiz baino gehiago, Euskal Herria ez dagoela salgai adierazi behar baitugu, euskal herritarren borondateari ezin zaiola muzin argi utzi behar baitugu. Ezin baita ilegalizatu eta mapatik ezabatu Europako herririk zaharrena den Euskal Herria.

atxikimenduak@euskalherria.org

an KALERAATERATZEKO

LANUZTEAK

ALERA! DENOK KALERA! DENOK KALERA! DENOK KALERA! DENOK KALERA! DENOK KALERA!